

古今文綜

野居書齋

古今文綜 第二部 書牘贈序之屬

第十一冊

目錄

第一編 書牘類

第四章 達情之書上

(甲)感慕

魏文帝與朝歌令吳質書

梁簡文帝與蕭臨川書

梁陶弘景答虞仲書

梁劉峻與舉法師書

陳周弘讓復王少保書

唐杜之松答王績書

清王太岳上楊相公書

清王太岳答顧密齋書

清王太岳答胡靜菴書

清袁枚與蔣苕生書

清邵齊燾答周芝山同年書

清汪中與劉端臨書

清劉履芬與洪子齡孝廉書

(乙) 牢騷

漢司馬遷報任少卿書

漢李陵答蘇武書

漢楊惲報孫會宗書

漢臧洪報陳琳書

晉趙至與嵇茂齊書

梁王僧孺與何炯書

唐柳宗元與許京兆孟容書

明宗臣報劉一丈書

清梅曾亮寄湯燮堂書

清董基誠與方彥聞書

清董祐誠與楊紹起書

清李慈銘復張孝達書

清趙銘與鮑銘青書

(丙)恬淡

宋雷次宗與子姪書

宋周朗報羊希書

梁張充與尚書令王儉書

梁沈約陳情書與徐勉

梁江淹報袁叔明書

梁江淹與交友論隱書

唐王績答刺史杜之松書

唐韓愈與孟東野書

宋蘇軾答李廌書

清吳錫麒寄王冶山同年書

清彭兆蓀江寧寓館與樂元淑書

清樂鈞答王癡山先生書

(丁) 惋傷

魏文帝與吳質書

梁任昉弔樂永世書

梁劉峻追答劉秣陵沼書

梁張纘與陸雲公叔襄兄晏子書

陳後主與詹事江總書

北齊朱瑒與徐陵請王琳首書

北周王褒與周處士書

唐駱賓王與博昌父老書

唐張說弔陳司馬書

清毛奇齡復沈九康成書

清吳錫麒與黃相圃書

清劉履芬與董敦臨秀才書

清李慈銘與潘伯寅副憲書

清李慈銘與陳邁夫書

清李慈銘致陶仲彛書

清李慈銘復王益吾祭酒書

古今文綜

第二部 書牘贈序之屬

第十一冊

杭縣張 相譔錄

杭縣姚漢章閱訂

第一編 書牘類

第四章 達情之書上

喜怒哀樂含生大情。數衽陳詞。可歌可泣。彥和所云心聲之獻酬者也。魏晉以還。筆札紛紜。衆響筦弄。有清儷體諸家。亦足上追逸軌。其情深。其文明。其思隄側。其韻瀏亮。辭令之美。斯爲正宗。凡六類析爲兩章。

(甲)感慕

白雲在天。蒼波無極。長謠永夜。撫臆蕭辰。成連海上之琴。張敏夢中之路。故知風雨如晦。而雞鳴不已。葦蕤盈室。而叢蘭自芳。同心之言。豈不有藉乎翰墨者也。錄魏文帝梁簡文帝以下凡十三首。

魏文帝與朝歌令吳質書

五月二十八日丕白。季重無恙。塗路雖局。官守有限。願言之懷。良不可任。足下所治。僻左。書問致簡。益用增勞。每念昔日。南皮之遊。誠不可忘。既妙思六經。逍遙百氏。彈碁閒設。終以六博。高談娛心。哀箏順耳。馳騁北場。旅食南館。浮甘瓜於清泉。沈朱李於寒水。白日既匿。繼以朗月。同乘並載。以遊後園。輿輪徐動。參從無聲。清風夜起。悲笳微吟。樂往哀來。愴然傷懷。余顧而言。斯樂難常。足下之徒。咸以爲然。今果分別。各在一方。元瑜長逝。化爲異物。每一念至。何時可言。方今蕤賓紀時。景風扇物。天氣和暖。衆果具繁。時駕而遊。北遵河曲。從者鳴笳。以啓路。文學託乘於後。車節同時。異物是人。非我勞如何。今遣騎到鄴。故使枉道相過。行矣自愛。丕白。

梁簡文帝與蕭臨川書

零雨送秋。輕寒迎節。江楓曉落。林葉初黃。登舟已積。殊足勞止。解維金闕。定在何日。八區內侍。厭直御史之廬。九棘外府。且息官曹之務。應分竹南川。剖符千里。但

黑水初旋未申十千之飲。桂宮既啟復乖雙闕之宴。文雅縱橫卽事分阻。清夜西園眇然未剋。想征艫而結歎。望挂席而霑衿。若使弘農書疏脫還鄴下。河南口占儻歸鄉里。必遲青泥之封。且覩朱明之詩。白雲在天。蒼波無極。瞻言歧路。眷慨良深。愛護波潮。敬勛光彩。

梁陶弘景答虞仲書

棲六翮於荆枝。望綺雲於青漢者。有日於茲矣。而春華來被。草石開鮮。辭動情端。志交衿曲。信知鄰德之談。無虛往牘。夫子雖迹躔朱閣。而心期岱嶺。豈但散髮乎高岫。以將飛霜於絕谷。良爲欽哉。野人幸得託形崇阜。息影長林。每對月流歎。臨風軫慨。徒事累可豁。而髮容難待。自非齊生死於一致者。孰不心熱者乎。舉世悠悠。孰云同此。儻遇知己。相與共憂。竭來虞公。茲焉可邁。何爲栖栖。空勞鼓缶。迨及暇日。有事還童。不亦皎潔當年。而無忤前脩也。

梁劉峻與舉法師書

聞諸行李。高談徽德。逖聽風聲。心飛魂竦。無異蘄仙之望。石髓太陰之思。龍燭蒼星。昏昃涼雲。送秋道勝。則肥固應。頤攝衣裳。虹蜺帷幕。霄露餌黃菊之落。藥酌清澗之滋。流旦候歸雁。晨鳧暮聽。羈雌獨鶴。神影影爾。蓋象蕭史之騎。鳴鳳列子之御。長風雖荆卿。旁若無人。孝然堅臥。冰雪沈沈。隱隱何以尙之哉。至於馳驚經囿。翱翔書圃。極龍宮之妙典。彈石室之鴻記。道生伏其天真。曼倩謝其辨物。若乃習是童子。措志雕蟲。藻思內流。英華外發。歲蕤秋竹。照曜春松。爵頌息明珠之譽。長門濫黃金之賞。盛矣美矣。煥其麗乎。昔旅浙河。嘗觀組纈。不覺紙燕筆焚。魂魄斯盡。自茲厥後。兩絕珪璧。意睠睠於菁華。腸迴迴於九逝。夫日御停照。不踰隙穴。海若潰湧。莫限隈嶠。以玉抵鵠。昔傳餘寶。冀閱清徽。用瘳眩疾。然越民非鬻冠之所。齊國豈奏韶之地。望與其進。無貽責焉。

陳周弘讓復王少保書

甚矣悲哉。此之爲別也。雲飛泥沉。金鑠蘭滅。玉音不嗣。瑤華莫因。家兄至自鎬京。

致來書於窮谷。故人之跡。有如對面。開題申紙。流臉沾膝。江南燠熱。橘柚冬青。渭北。沍寒。楊榆晚葉。土風氣候。各集所安。餐衛適時。寢興多福。甚善甚善。與弟分袂。西陝。言反東區。雖保周陂。還依蔣徑。三姜離析。二仲不歸。麋鹿爲曹。更多悲緒。丹經在握。貧病莫諧。芝朮可求。聊因采掇。昔吾壯日。及弟富年。俱值邕熙。並歡衡泌。南風雅操。清商妙曲。絃琴促坐。無乏昏晨。玉瀝金華。冀獲難老。不虞一旦。翻覆波瀾。吾已惕陰。弟非茂齒。禽尙之契。各在天涯。永念生平。難爲胸臆。正當視陰。數箭排愁。破涕。人生樂耳。憂戚何爲。豈能遽悲。次房遊魂不反。遠傷金產。骸柩無託。但願愛玉體。珍金相。保期頤。享黃髮。猶冀蒼雁。頽鯉。時傳尺素。清風朗月。俱寄相思。子淵子淵。長爲別矣。握管操觚。聲淚俱咽。

唐杜之松答王績書

辱書。知不降顧。歎恨何已。僕幸恃故情。庶廻高躅。豈意康成道重。不許太守稱官。老萊家居。羞與諸侯爲友。延佇不獲。如何如何。奇跡獨全。幸甚幸甚。敬想結廬人。

境植杖山阿林壑地之所豐烟霞性之所適蔭丹桂藉白茅濁酒一杯清琴數弄誠足樂也此真高士何謂狂生僕憑藉國恩濫尸貴部官守有限就學無因延頸下風我勞何極前行縣實欲祇尋誠恐燉煌孝廉守琴書而不出酒泉太守列鐘鼓而空還所以遲迴遂攬轡也僕雖不敏頗識前言道既知尊榮何足恃豈不能正平公之坐敬養玄唐屈文侯之膝恭師子夏雖齊桓德薄五行無疑哇夸故人一來何損蒙借家禮今見披尋微而精簡而備誠經傳之鉅典亦閨庭之要訓也其喪禮新義頗有所疑謹用條問具如別帖想荒宴之餘爲詮釋也遲更知聞杜之松白

清王太岳上楊相公書

伏蒙諭示莽夷蕩定旌馭旋歸獨有木邦尙煩經略以聖朝威德元老壯猶及其內奧之形壓以橫驅之衆譬猶建蕭鉄以伐霜菜鼓洪鑪而燔落毳其爲殄掃豈須歲時所望慎護起居順適機會蚤膺褒錫以慰輿情不勝大願又讀別示以太

岳在陝有年。過蒙閔念。惠以宏獎。許以騫騰。恩意懃深。倍越恆等。發緘長跼。攬涕沾膺。伏念太岳學不通經。仕惟苟祿。半通承乏。一紀棲遲。幸而備位屬城。歸身牆仞。獨於稠衆。猥荷品題。納頑礦於鈞鎔。引散樗於規墨。眄睞成飾。咳唾爲恩。求之古人。罕覩斯遇。若乃宏之以啟牖。降之以心顏。推之以欵誠。卹之以微至。從容燕語。容醉吏之狂呼。稠疊恩私。念小人之有母。施旣博矣。望旣逾矣。假令因緣際會。徼倖一時。官閱歲而九遷。享侯封於萬戶。猶未足以易此榮稱。方其得意者矣。是故利鈍時也。疾徐數也。聞夫子之道。則顏氏足以自樂。爲大賢所知。卽侯生死而靡悔。矧於薄植。獲附青雲。出見縉紳。忽增氣勢。顧語孫子。猶冀知歸。固將奉以終身。永言無墜。豈復以縑素變其初終。異同乖其本末。而大鈞所播。滄溟自運。旌旆一去。山川間焉。溯德水以方永。望芳塵而不見。蓋良辰遂往。盧中郎所以長號。白雲在天。謝記室因而歎咽。違離之際。每形歎言。豈不以彌載之分。斯深藏心之好。已固事乖。曩遇感迫。今途故嘗。望幕府之秋梧。詠歸艎於春渚。關雲隴水。咸爲紀。

德之場。瘴雨蠻氛。並是馳思之路。長謠永夜。役魂夢於各天。撫臆蕭辰。歎酬知之。何地者也。豈圖大德。未倦勤施。垂敝之帷。猶懷老馬。初陽之管。下動寒灰。惠風在遠。而不遺。曦景容光。而必照。遂乃略其吏幹。錄以年勞。特假齒餘。褒爲舉首。欲使名書御展。聲徹丹霄。賤瑋而邀特達之榮。飛蠅而望千里之致。晞陽豐幹。未能喻此。專與流潤洪河。無以名其滲漉。此蓋伏遇太師相公道鑄品。倫量苞流壤。明揚仄陋。實聖賢之用心。登崇雋良。繫荃宰之攸寄。故以智周庶物。德協旁求。馬勃牛溲。方俱收而並畜。亡簒失履。亦懷舊以圖新。良欲衆効於官材。庶幾助成於聖化。顧惟小子。豈所堪任。方懼趨走。違方行能。無算處囊。銑頓曾無脫穎之期。負軛聲悲。終困摧輪之坂。徒沈身於糞朽。乃玷累於甄收。以此徬徨。不寧夙夜。然而士感一顧。女容悅已。詠德懷仁。賢愚等顧。糜身捐體。蓋以云酬。惟當均義在三。摻心不二。重之以僎俛。鑒之以明神。溝壑未填。豈盡依風之望。肝腸猶在。庶同傾日之心。不任區區感激之誠。謹奉白牋謝聞。

清王太岳答顧密齋書

八月二十八日。太岳頓首。密齋廷尉閣下。月前發使奉書。行六七日矣。積雨苦淖。尋已卻迴。僕方在試院中。聞之悵快而已。方毓川藩長人還。得閣下手書。開紙數行。未暇問無恙。首述離索之感。於時秋雨微零。閉門愁坐。忽此棖觸。不知歎息之彌襟也。曩於京師。冠蓋溢乎九衢。英靈萃乎四海。摛華振采。則義望退飛。吐氣發聲。則風雨總至。彬彬乎皇皇乎。文章之林府。人士之都會者矣。僕以闇陋。本絕聲華。在於衆中。特爲寡侶。適有天幸。所遇多賢。因緣結納。稍以滋廣。松柏有相悅之性。水火有既濟之義。擅文采者。齊契於應劉。砥行誼者。投分於僑札。遂乃揚厲風軌。發磨道素。譏彈駁雜。以暢遠旨。飲酒歌呼。以紓劬劇。是故言必諧聲。倡必衆和。入則造膝。出則聯鑣。當此之時。可爲極盛已。而人事好乖。飛沈路絕。榮悴之勢。稍異。生死之契。遽遠。然而二三素心。以晨以夕。奔走同於緩急。勞問交於歲時。艱難之中。彌篤風義。此又一時矣。其後苟慈解組。惠仲改官。旭莊以憂去。閣下去而仍

來僕既牽復。尋又外補。兩年之間。風飛雨散。時事略殊矣。然自修堂曉章容川履齋諸使君外。居輦下者。尙十數公。並皆拔秀東南。抽奇海岱。明珠大玉。照耀當時。又於其間。或官曹連接。或門巷相望。步趾可以通往來。瓜蔬可以供譚讌。自非烈風甚雨。公私冗迫。曷常不足敘游處之好。窮心志之娛者乎。然而追惟聚散。繾綣今昔。在於閣下。猶且云然。況如僕者。又何以堪之耶。去國五年。合心合臭之友。眇然各在數千里外。非徒考德問業。難復曩游。至於耳目聞見。都非夙昔。日惟纍纍役役。以苟歲年。不知何時。却得望見闕廷。復與諸公抵掌歡笑也。自來長安氛雜之場。日給不暇。僕受氣素薄。而黼之不休。以茲疲薺。竟無好懷。時時引鏡自照。鬚眉猶昔。獨其膚體之間。精華銷鑠。面皺日加。古人所繇。深恨於形役也。靜自惟念。歲月不居。四十之年。忽焉已至。浮雲世事。百不足言。獨以門祚式微。迫思舉子上之取供。老親含飴之弄。下亦自欲付囑琴書。而年復一年。了不可得。莊生云。知其不可奈何。而安之若命。矧其實有命者耶。安之而已。所不堪者。墳簞久廢。姻婭仍